

四庫全書

史部

欽定四庫全書

史部

欽定皇輿西域圖志卷十七

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定四庫全書

欽定皇輿西域圖志卷十七目錄

疆域十

天山南路四

烏什屬

烏什

哈喇和卓

闐展

森尼木

魯克察克

托克三

雅爾

洋赫

布干

罕都

連木齊木

雅木什

英額阿里克

必特克里克

古古爾魯克

沙圖

巴什雅克瑪

古木克齊克

色帕爾拜

呼蘭齊克

札木必勒阿斯提

齋都伯

素衮

巴爾昌

喀什噶爾屬

喀什噶爾

霍爾干

伯什克勒木

伊克斯哈拉

玉斯屯阿喇圖什

阿斯騰阿喇圖什

鄂什

阿喇古

阿爾巴特

牌租阿巴特

赫色勒布伊

汗阿里克

哈喇刻爾

提斯袞

岳普爾和

塞爾們

托克庫爾薩克

鄂坡勒

塔什巴里克

英噶薩爾

托璞魯克

和什庫珠克

阿喇楚勒

葉什勒庫勒

欽定皇輿西域圖志卷十七目錄

欽定四庫全書

欽定皇輿西域圖志卷十七

疆域十

天山南路四

烏什屬 東至噶斯干接阿克蘇界西至色帕爾拜
通喀什噶爾界南至庫珠克達巴踰山通葉爾羌
和闐北路界北至天山踰山通伊犁西路界
烏什

烏什在阿克蘇西境哲爾格哲克得西九十里距
京師一萬九百九十里城周三里二分高二丈五
尺東西南三門三面踞山其西面因山為城南崖
陡峻北帶長流形勢絕勝所屬村莊凡十有一乾
隆二十三年八月將軍兆惠等兵至哲爾格哲克
得和闐城舊伯克霍集斯及其長子烏什城阿奇
木伯克漠咱吧爾等馳書詣軍門投誠霍集斯者
回部望族也平定伊犁時嘗從大兵擒達瓦齊遂

偕霍集占奉使招撫回城霍集占叛脅之為逆洎
聞大兵至即有意歸正末由自拔霍集占自庫車
敗逃道經烏什霍集斯父子將以計誘入城擒獻為
所覺未果因擊走霍集占固守烏什城以待我師及
是遂以城降兆惠等令漠咱吧爾入

覲挈霍集斯從軍而西尋以大臣駐其地乾隆三十年
駐劄大臣素誠與阿奇木伯克阿布都拉措置乖
方擾累回衆二月伯克賴黑木圖拉等乘機煽亂

上命伊犁將軍明瑞等率師往討八月平之逆黨伏誅
徙其餘衆移駐阿克蘇大臣於此

御製烏什城酋長霍集斯伯克攜回衆獻城降詩以紀

事 戊寅

執渠早是被恩榮

先是達瓦齊自格登窮竄霍集斯伯克奉軍檄設計縛獻疎功褒賞

畏

逼遷隨尚近情

霍集斯伯克與小和卓木均係回目時為所強攝因附和觀釁罪在可宥

識

順料伊將倒戟

常與軍機大臣籌畫軍情曾諭及霍集斯伯克有擒獻達瓦齊一節我軍至其

地彼或降順比大兵既近伊果延款小和卓木計圖擒縛因為潛覺遁去遂率衆投款軍門

剪兇匪

我願佳兵申明昧雉霜嚴令

庫車之圖逆苗唾手就獲而失律者貽誤國命將軍

兆惠往代就逐次執失律之臣明示頗戮軍威大振

疊見牽羊肉袒迎

天佑人歸建底績越因兢業凜虧盈

御製烏什戰圖補詠

有序戊子

自庚辰西師凱旋之後伊犁則築城墾野回部則減
賦薄徵視地之大小險夷各駐以大臣戌以兵卒晏
然無事矣越五年乙酉而有烏什之變烏什者介於
阿克蘇喀什噶爾之間為回部適中之地依山為城

有險可恃田肥饒水充足又有牧場可滋長馬牛羊
故變亂之後逆賊守至六越月始盡力窮縛其酋以
獻於是誅戮其精壯遷徙其婦稚凡烏什之城及其
所附村落皆為官有駐以大臣戍以兵卒如前制而
更申明紀律焉夫烏什固據形勝得扼吭換臂之勢
而宜厚駐我兵以鎮壓衆回部之地也初以王師勦
逆撫順不可無故奪之今值彼變亂自取屠滅因以為
回部適中官軍都會之地是又開惑論所謂愈變而

愈康者非

天垂貺豈能若是哉而渺躬之荷

龍綏勵兢業又當何如哉其致變之由及我官軍之奮勇
克復條為六事各繫以詠如左

聞變

乙酉二月烏什小伯克賴黑木圖拉等聚衆五百餘
乘夜縱火焚掠戕殺官軍駐守之副都統素誠自殺
賊遂據城為變時駐阿克蘇之副都統卞塔海聞之

急郵奏報覽其詞過于張皇知其庸懦不足集事且
回衆久懷德威使非激之致亂不應自棄化外庸可
不察其由以示懲創因降旨駐伊犁之將軍明瑞細
查致變之由以聞

南巡三月返春舟六百飛傳計里郵

卡塔海初奏烏什
事由六百里馳達

時方自杭州迴蹕即于行舟
批答並籌度調兵諸機宜

展視乃知烏什變報來始

自阿蘇投

回語阿克蘇急呼則為阿克蘇烏什卡倫官全
福等聞城中變急投阿克蘇報知卡塔海即

據以輕徭本是常施惠倡亂何當彼取尤師駐伊犁定赴

援重臣宣命察因由

回衆蠢動固罪無可逭若召繫有由亦不可不申國法以儆其餘因

密諭明瑞于赴援時訪實速奏

師援

阿克蘇喀什噶爾與烏什相犄角應援最近而卞塔海與駐喀什噶爾之都統納世通雖亦領兵往救但二人素未經戰陣無益于事時明瑞聞而統兵赴援兼程遄進至則申明軍律並力攻賊賊始困窘

勲戚伊犁董重兵

明瑞於平定回部時奮勇追勦屢著功績素為回人所憚因命其為將軍

駐伊犁統轄諸回城事

早年回部得威名變聞遂率雄師援途遠

仍教兼驛行

計明瑞聞烏什事必率師赴援但伊犁相距幾二千里慮或稽時奏至知其兼程前

進為之欣慰

可笑無能還妬阻

納世通前至烏什聞明瑞統兵赴援之信恐其分功遽行

文阻止奏至降旨嚴飭而明瑞亦不從其言決計迅赴

幸因未聽遂遄征逆回始

相入聲

倉皇守壁壘新知紀律明

千塔海納世通諸事失措為逆回所輕及明瑞

至申嚴軍律賊衆始惶懼死守不敢復出

獻諜

烏什伯克賴黑木圖拉既叛慮其力之不能抗我師

也乃相與聚謀走間諜已布敦等卑辭厚幣求援于
霍罕之厄爾德尼伯克又教為詭語以煽亂所過諸
布魯特惟時布魯特久效恭順且知逆黨之妄也遂
執已布敦等遣使詣喀什噶爾以獻

遊牧東西勃律連

唐之勃律即今之布魯特

不同回部列氓編

諸回城向

若準噶爾賦重自己卯底定時即為減定賦額一如內地編戶徵納人皆樂輸至布魯特則逐水草而居非若

回人之能習耕作盡地利故雖向化內附不令納賦惟入覲時職貢効忱而已負城既叛賴黑

木賴黑木圖拉既據烏什即遣其黨已布敦等偕安間
集延塔什罕之貿易回人帶書幣潛往霍罕乞援

去聲道潛通安集延布魯適居路徑過去聲駒支驀遇計擒

全

巴布敦等至布魯特境即詭稱附近烏什各回城同

時俱亂以煽惑諸部衆適喀什噶爾阿奇木伯克

噶

代默特遣人告之以叛逆惟烏什一城餘皆安堵時

布魯特比

齊里克齊遂誘巴布敦等擒之即遣其弟喀

爾

捫都解送喀什噶爾比者部

捫都解送喀什噶外域

落之首領

即如回部伯克之職

輸忠意實虔

悉故

布魯特既縛獻巴布敦等於喀什噶爾時駐喀什噶

爾之副都統栢琨詢其變亂之由則稱烏什之阿奇

木伯克阿布都拉橫派驕擾蕩檢宣淫而副都統素
誠不但加督責且與之同流合汙以是回衆不勝
其忿遂脅聚生變又納世通卞塔海平時亦妄自尊
大凌虐諸回素為衆怨所集且卞塔海初至烏什城
下不事詰劄輒施鎗礮以攻及賊出拒復怯而敗走
納世通繼至亦茫然不知所措賊益逞其負隅之勢
明瑞詢察得實臚章入告與栢琨所奏悉合因各視其
罪重懲之

巴布敦辭實可憑周諮我衆又堪徵

明瑞查訪致亂所由知素誠擾累不

法及納世通十塔海庸妄乖謬諸罪狀皆得自貿易入衆臺站諸回之口詢之在事侍衛等亦衆吻如一哥

舒翰既少恩甚

阿布都拉為哈密回部貝子玉素富同產弟以其久內附之回授為烏什阿奇

木伯克乃自莅事以來不知恤衆每將疲瘦羊馬倍值取利又肆為淫惡致所屬回衆切齒亂作亦並遇害實

非意料所及

李大宜還耽樂仍

素誠在烏什惟事科派苦累又復淫縱無忌賴黑木圖拉

之妻亦曾為所留因而蓄怨生變則素誠實死有餘辜矣

一死餘辜真尚有兩駕要

駕愧惟增

此雖素誠阿布都拉之罪然用二人以致饋餼之愧實切于懷

可同効節加

優恤用戒將來示創懲

攻堅

明瑞等攻烏什數月圍困甚力賊出拒戰者即擒獲
誅磔于是賊驚駭聚計謂與其束手就斃毋寧捨死
以求生因謀夜出襲營我軍覘知之預為之備賊首
賴黑木圖拉中箭死賊黨益窘怖復推賴黑木圖拉
之父厄塞木圖拉為阿奇木恚衆死守以延殘喘此
皆得之捉生鞠訊者已而明瑞復擒驍銳夜薄其城
登陴毀堞奮擊獲大勝賊自是日危蹙矣

罪不容誅賊自求生捨死死相持誘來平野騎弗進

賊知罪在不赦僥倖遁死明瑞等知之即調兵兩隊先
後繼進前隊次青努爾擇地張甄以待欲誘賊至平地

合後隊奮擊賊即退守城我軍追躡及城下仰薄高峯
賊猶持火器乘陣拒敵轟以大礮賊乃匿避

銳競施督以衝堅誠亦易諭令平鄭重故因遲烏什初

即統兵赴援復命尚書阿桂馳驛往會之彼時以烏什
蕞爾孤城又無外援易于收服毋庸悉銳進攻輕櫻鋒

鎬致多傷我士卒因諭令嚴急雲梯豎即登城堞賊既

攻圍待其勢窮力蹙乘機取之益固守不敢出明瑞等以時屆秋令師旅不宜久羈乃
簡巴圖魯六百餘中夜攜雲梯分道潛往薄城而隅東

北隅先登賊未覺挺刃交下守陣賊狼狽竄即舉號火
招繼進者又循墻自北而東南恣據有之毀其垣堞施

鎗箭巨石俯擊殲賊無算
後以天明收軍未即得城
早使遊魂釜底馳

城復

登城之捷賊益膽落我軍乃逼城築壘嚴圍斷其樵
汲即有突出者並擊敗之賊城糧絕馬餓拆屋以爨
撤茅以飼殍仆溢途巷衆皆憂悸離畔沙爾布者烏
什之舊商伯克故未從賊為惡乘人心洶懼謀縛厄塞
木圖拉詣軍營納款因以獻城至夜遂內潰先是諭
明瑞等曰賊不早悔罪伏法若城垂破始乞降則不可

貸當盡殲之以揚我武邈明我軍振旅入城悉戮其
黨羽徙其婦孺烏什復平時八月十五日也

斧塘鋒蝟勢將

平聲

成將

去聲

恐多傷退我兵

我東北登城

一軍既獲全

勝其攻西南者以賊已有備不復能上明瑞等因天已
嚮明恐為賊所要襲急撤城上兵遂未得乘銳擣其巢

穴

高壘深壕奚遑命析骸易子苟延生倒戈縛就無完

卯與櫬獻來逮破城教寫陣圖旌衆勇定功惟是凜虛

盈

漢書西域傳尉頭國王治尉頭谷去長安八千六

百五十里東至都護治所千四百一十一里南與
疏勒接山道不通西至捐毒千三百一十四里徑
道馬行二日

魏書西域傳尉頭國居尉頭城在溫宿北去代一
萬三千里役屬龜茲

唐書地理志河西內屬諸胡曰蔚頭州又一曰鬱
頭州在赤河北岸孤石山

按漢書溫宿西至尉頭三百里今烏什東去阿

克蘇止二百里阿克蘇為古溫宿疑尉頭國地
尚在烏什之西然以漢書所載兩國東去都護
治所道里計之尉頭國一千四百一十一里溫
宿國二千三百八十里似尉頭轉在溫宿之東
今以姑墨國東至都護治所一千二十一里之
例推之溫宿國當為一千三百八十里二千字
為一千字之訛

說見前卷

而尉頭止云一千四百十

里是其國又當近在溫宿西四十里也史家紀

載道里遠近或從邊界起數或從都城起數或
徑行或繞道廣狹各殊卽一書中已有不可合
者惟論其大較則溫宿東而尉頭西壤地相接
於古無疑今阿克蘇為溫宿城則自是西行得
烏什城應屬當時尉頭城矣再漢書稱其南與
疏勒接山道不通今烏什以西一帶在兩山間
其南山之南為古疏勒

詳見
本卷

則疏勒之北為古

尉頭地當復較然而烏什以南之山卽漢書所

謂山道不通者亦大略可覩矣

又按烏什回人舊從闐展西遷不忘故宇故烏什地名多仍闐展舊號說詳後雜錄門

哈喇和卓

哈喇和卓在烏什城東七十里踰河至其地四面距河各二十餘里東為阿察塔克又東八十里為察哈拉克其西北境濱河之地曰雅爾巴克河流西注為索特庫布拉克

闢展

闢展在哈喇和卓東北五十里踰河二道至其地亦四面距河西距烏什城一百十里

森尼木

森尼木在哈喇和卓南四十里踰河至其地南臨大山西北距烏什城八十里其西南四十里為賽喇木又西四十里為台特爾又西四十里為鄂特巴什又西五十五里為巴什雅克瑪

魯克察克

魯克察克在森尼木西三十里南臨大山西北距
烏什城一百一十里

托克三

托克三在魯克察克東北四十里東南境皆面山
西北距烏什城一百四十五里

雅爾

雅爾在闡展東四十里地居兩河之間西距烏什

城一百五十里

洋赫

洋赫在雅爾東二十五里西距烏什城一百七十五里又南三十里為噶斯干南臨大河

布干

布干在雅爾北三十里踰河而至居兩河間北為教爾他克齊諾斯騰南為托什干達里雅西南距烏什城一百六十里

罕都

罕都在布干西三十里踰河而至居兩河間北為托什干達里雅分流南境者為托噶爾瑪郭勒西南距烏什城一百三十里

連木齊木

連木齊木在罕都西北十里居兩河間西南距烏什城一百二十里

雅木什

雅木什在連木齊木北三十五里踰河二道至其地有山泉南流逕雅木什南入於教爾他克齊訥斯騰

英額阿里克

英額阿里克在烏什城東北踰教爾他克齊訥斯騰至其地東北通天山北伊犁及圖斯庫勒南岸地

必特克里克

必特克里克在烏什城北踰教爾他克齊諤斯騰至其地東北亦通伊犁

古古爾魯克

古古爾魯克在烏什城北踰教爾他克齊諤斯騰至其地西北踰嶺接伊犁界

沙圖

沙圖在烏什城西北踰教爾他克齊諤斯騰至其地西北由必達爾通藩屬布魯特界

巴什雅克瑪

巴什雅克瑪在烏什城西南九十里踰托什干達里雅至其地

古木克齊克

古木克齊克在巴什雅克瑪西二十里東北距烏什城一百十里

色帕爾拜

色帕爾拜在古木克齊克西三十里東北距烏什

城一百四十里西南通喀什噶爾

以上屬烏什

呼蘭齊克

呼蘭齊克由烏什西南入松塔什塔克固勒扎巴什達巴西南行八十里至其地由是西南行至巴

爾昌為烏什境外地

扎木必勒阿斯提

扎木必勒阿斯提在呼蘭齊克西南六十里

齊都伯

齊都伯在扎木必勒阿斯提西南四十里

素衮

素衮在齊都伯西南四十里

巴爾昌

巴爾昌在素衮西南一百二十里有水橫當孔道
不通大河自烏什屬之色帕爾拜西南行山徑崎
嶇為烏什西南境外通喀什噶爾之路其南則小

山如屏直抵烏什南境東西千里砂磧彌望當屬
古疏勒國東境

漢書西域傳疏勒國去長安九千三百五十里東
至都護治所二千二百一十里南至莎車五百六
十里

後漢書西域傳疏勒國去長史所居五千里去洛
陽萬三百里東北經尉頭溫宿姑墨龜茲至焉耆
北史西域傳疏勒國在姑墨西白山南百餘里漢

時舊國也去代一萬一千二百五十里南有黃河
西帶蔥嶺東至龜茲千五百里東北至突厥千餘
里東南至瓜州四千六百里

唐書西域傳疏勒環五千里距京師九千里而羸
多砂磧少壤土

按漢時南北兩大山中近蔥嶺者南則莎車為
大北則疏勒為大兩國對待其東西境必廣今
自烏什西南至喀什噶爾其境南踰烏什抵喀

什噶爾達里雅西盡喀什噶爾諸城西北至鄂
什北倚天山疆域最廣當為疏勒全境若其東
境去庫車一千五百里又東去海都郭勒二千
餘里正與漢書疏勒至都護治所北史疏勒至
龜茲里數相符古人於天山槩稱白山烏什西
南境北倚天山地面寬博而多砂磧亦即北史
所謂在白山南唐書所謂環五千里多砂磧少
壤土者也砂磧之南喀什噶爾河橫亘其前砂

磧之西西山逕拱所謂南有黃河西帶蔥嶺者也漢書稱尉頭南與疏勒接山道不通而後漢書稱疏勒東北經尉頭諸國至焉耆蓋此山道至後漢時乃通也審形定勢以今烏什西南境為古疏勒國之東境灼然無疑惟其建庭處所必居土沃水深之地應在今之喀什噶爾詳見後

以上屬烏什西境外地接喀什噶爾東境

喀什噶爾屬 東至阿喇古接烏什界東南至赫色

勒布伊接葉爾羌界西北俱接蔥嶺通藩屬布魯

特安集延界

喀什噶爾

喀什噶爾舊對音為喀什哈爾在巴爾昌西南一

百四十里烏什西南九百三十五里距京師一萬

一千九百二十五里回首大和卓木波羅泥都舊

居城也城周四里餘東西南北四門所屬村城一

十有六乾隆二十三年七月霍集占棄庫車而西
將軍兆惠率師追之抵葉爾羌波羅泥都自喀什
噶爾以衆馳赴與霍集占合員崑固拒相持葉爾
羌城下累月我師還次阿克蘇整軍進詳見卷十八
葉爾羌逆酋懼我師之復至也霍集占從葉爾羌遁
而西波羅泥都復入喀什噶爾盡驅其男婦出城
縱火燒廬舍城門為燬脅之偕行衆弗從競入城
守賊乃盡掠牲畜驅丁男千餘人踰山而西與霍

集占俱遁我師方自阿克蘇進兵指喀什噶爾喀
什噶爾之舊伯克人民及從逆酋行脫歸者迎謁
途次以其城降大軍未至城百里外回民扶老攜
幼跪迎爭獻牛酒且言曰吾曹受準噶爾殘虐數
十年賦繁役重民不聊生久思歸附

聖化而兩和卓木負

恩背叛鉗制我等莫由自通使我田不得耕種畜不得
游牧小大惴惴惟於鋒鏑今一旦去湯火得安衽

席世世子孫為

大皇帝編氓更生之幸實過願望凡有役使惟將軍大
人命兆惠等宣諭

皇上德意時鼓舞踴躍喜見顏色於是喀什噶爾所屬
境咸隸版籍時乾隆二十四年閏六月也

御製喀什噶爾回衆投誠詩以紀事已外

今春圍解墨水營

黑水即喀喇烏蘇地近葉爾羌去
冬將軍兆惠等築壘固守處也

全

師迴阿克蘇城賊不敢遮亦不綴彼力創竭足堪徵北

塞調馬往二萬益以索倫之勁兵以布易回粟供餉回

以布為珍用兵駐阿克蘇時命轉餉者運以易粟膳軍省費三十餘萬復救內部就產布各省採解不以煩甘

涼以被數月休息胥飽騰整師兩路一時進殲渠務使

災故也

回衆寧

回苗兄弟分處兩城枝梧策應命將軍兆惠等由烏什往喀什噶爾富德等由和闐往葉爾羌

率兵同時並進令其屈指此際壓賊境又盼佳信夙夜

首尾不款以期俘獲

縈朝來驛致將軍奏兆惠報回衆投誠拆封披摺一詳

覽厯厯都悉軍前情進至伊克斯哈拉

地名將軍兆惠進兵攻喀什噶

爾閏六月初三日行至此地

前隊中夜聞人行

參贊公明瑞於前隊略地夜聞人騎進圖

蹴之詢得喀什噶爾四人和濟
默爾等六人同聲納降云云

奮勇圍捉喊勿殺是投

誠者來相迎久慕歸順大皇帝奈脅霍集占弟兄大和

卓木今肆掠想同伊弟潛逃生舊伯克等差我輩願

師速往揚威聲馬驢牛羊被擄去欲進擒彼嗟無能

懇願將軍早赴援庶和卓木未遠征兆惠悉此率兵進

通信富德同謀乘

來降回衆云其屬方分投兩路軍門
時兆惠聞信即移知富德軍以便協

謀乘勢相機持重慮賊詐

兆惠奏言回人情辭雖無可
疑而受降如受敵兩軍並加

意慎重以防詭
詐甚協機宜

更慰萬里繫念忤四大回城三已得

喀什

噶爾為逆苗大和卓木窟穴其城更大於先得之烏遊
什阿克蘇二城今已款降所餘僅葉爾羌一大城矣遊

魂釜底焉支撐斷其左臂固美事不無少恨煩懷仍使

波羅泥都

大和卓木名也

就獲以之餌彼弟或聽乃先兵至早

跳去復需時日勞軍偵二魁俘虜靖遐壤靜候

天佑歌武成

漢書西域傳疏勒國王治疏勒城有列市西當大

月氏大宛康居道也

後漢書西域傳明帝永平十六年龜茲王建攻殺

疏勒王成自以龜茲左侯兜題為疏勒王冬漢遣
軍司馬班超劫縛兜題而立成之兄子忠為疏勒
王忠後反叛超擊斬之後莎車連叛于寘屬疏勒
疏勒以強故得與龜茲于寘為敵國焉安帝元初
中疏勒王安國以舅臣磐有罪徙於月氏月氏王
親愛之後安國死無子母持國政與國人共立臣
磐同產弟子遺腹為疏勒王臣磐聞之請月氏王
曰安國無子種人微弱若立母氏我乃遺腹叔父

也我當為王月氏乃遣兵送還疏勒國人素敬愛
臣磐又畏憚月氏即共奪遺腹印綬迎臣磐立為
王更以遺腹為磐橐城侯靈帝建寧三年討疏勒
攻楨中城不能下引去班超傳永平十七年春超
從間道至疏勒去兜題所居磐橐城九十里逆遣
吏田慮先往降之敕慮曰兜題本非疏勒種國人
必不用命若不即降便可執之慮既到兜題見慮
輕弱殊無降意慮因其無備遂前劫縛兜題左右

出其不意皆驚懼奔走慮馳報超超即赴之悉召
疏勒將吏說以龜茲無道之狀因立其故王兒子
忠為王國人大悅

北史西域傳疏勒國文成末其王遣送釋迦牟尼
佛袈裟一長二丈餘帝以審是佛衣應有靈異遂
燒之以驗虛實置猛火上經日不然觀者莫不悚
駭其都城方五里國內有大城十二小城數十

唐書地理志疏勒都督府貞觀九年疏勒內附置

領州十五西域傳疏勒一曰佉沙王姓裴氏自號

阿摩支居迦師城突厥以女妻之儀鳳時吐蕃破

其國開元十六年冊其君安定為疏勒王

宋史外國傳于闐國西北至疏勒二千餘里

元史世祖本紀至元十一年四月詔安慰喀什噶

爾

舊作合失合兒今改正

等城

明史西域傳喀什噶爾

舊作哈實哈兒今改正

亦西域部落

永樂六年李達等齎勅往賜即奉命十一年遣使

入朝貢方物宣德時亦來朝貢天順七年命指揮
劉福普賢使其地其貢使亦不能常至

按古疏勒東境在今烏什西南境已見前條若

漢書所謂疏勒城後漢書西域傳所謂槃橐城

即班超傳
槃橐城

楨中城唐書所謂迦師城北史所謂

都城方五里大城十二小城數十者當不在砂

磧彌望之區今之喀什噶爾正當疏勒西境山

環水帶土地肥腴城堡鱗次可想見當日建庭

之舊也自今喀什噶爾西北逾天山西行入布魯特界即漢書所謂西當大月氏大宛康居道者形勢猶存唐時疏勒都督府應亦建此列備四鎮咸亨元年地入吐蕃長壽元年復置都督府五代之際隔不復通宋時于闐通貢而疏勒無聞亦無人至其境者惟元史所謂合失合兒及明史舊稱哈實哈兒與今之喀什噶爾音義相通尋聲求之固當非此不屬至三國志引魏

略楨中國莎車國竭石國渠沙國西夜國依耐

國滿梨

應作蒲犁

國億

應作德

若國榆令國捐毒國休

修

應作休循

國琴國皆并屬疏勒元明以來地屬巴

什伯里統龜茲焉耆為一國疆域最大是固不
得以喀什噶爾所屬諸城盡之者矣

霍爾干

霍爾干在喀什噶爾城東北十里木什特們兩河

之間

伯什克勒木

伯什克勒木在霍爾干東南二十五里西距喀什噶爾城三十五里踰木什訛斯騰至其地東北境有特們郭勒

伊克斯哈拉

伊克斯哈拉在伯什克勒木東五十里西距喀什噶爾城八十里

玉斯屯阿喇圖什

玉斯屯阿喇圖什在霍爾干北七十里由巴爾昌
西南六十里踰山至其地當山口有小城西南踰
特們木什兩河距喀什噶爾城東北八十里

阿斯騰阿喇圖什

阿斯騰阿喇圖什在玉斯屯阿喇圖什西八十里
地當山口為特們郭勒發源處西南踰木什謬斯
騰至其地東南距喀什噶爾城六十里

鄂什

鄂什在阿斯騰阿喇圖什西北六十里東南距喀
什噶爾城一百二十里又西北踰山通西布魯特
界

阿喇古

阿喇古在玉斯屯阿喇圖什東一百里北當北山
南麓支山迤邐西南相抱西南距喀什噶爾城一
百四十里

阿爾巴特

阿爾巴特在伯什克勒木城東南十里木什赫色勒兩河之間西北距喀什噶爾城四十里

牌租阿巴特

牌租阿巴特在阿爾巴特東一百六十里木什謬斯騰北西距喀什噶爾城二百里

赫色勒布伊

赫色勒布伊在阿爾巴特西南一百十里赫色勒雅瑞雅爾兩河之間有小城西北距喀什噶爾城

一百五十里

汗阿里克

汗阿里克在赫色勒布伊南六十里赫色勒雅瑞
雅爾兩河之間有小城西北距喀什噶爾城一百
四十里

哈喇刻爾

哈喇刻爾在喀什噶爾城西南三十里赫色勒特
爾墨楚克兩河環帶之間

提斯衮

提斯衮在哈喇刻爾南三十里北距喀什噶爾城
八十里

岳普爾和

岳普爾和在提斯衮南三十里北傍黑色勒郭勒
北距喀什噶爾城八十里

塞爾們

塞爾們在喀什噶爾城西南五里赫色勒特爾墨

楚克兩河環帶之間與哈喇刺爾東西相望

托克庫爾薩克

托克庫爾薩克在塞爾們南三十五里雅瑞雅爾
諤斯騰北岸又一水出西山中東流環其北境東
北距喀什噶爾城四十里

鄂坡勒

鄂坡勒在托克庫爾薩克西八十里雅瑞雅爾諤
斯騰環其西南境有小城東北距喀什噶爾城一

百二十里

塔什巴里克

塔什巴里克在托克庫爾薩克南一百一十里雅
瑞雅爾諤斯騰東南西北距喀什噶爾城一百四
十里

英噶薩爾

英噶薩爾在提斯袞南一百四十里踰雅瑞雅爾
諤斯騰庫森諤斯騰至其地北距喀什噶爾城二

金史卷之八十七
卷十七
百里所屬地曰賽喇克又東北境曰察木倫西北
境曰沙瑪拉西境曰特斯比西南境曰額克賓雅
爾地俱要隘以方位道里考之自庫森訶斯騰以
南在古當為忍耐國地

漢書西域傳忍耐國王治去長安萬一百五十里
東北至都護治所二千七百三十里至莎車五百
四十里至無雷五百四十里北至疏勒六百五十
里南與子合接寄田疏勒莎車

按依耐於漢為小國介在莎車疏勒之間後漢
不著其國當為莎車王賢所并也前漢莎車為
今之葉爾羌疏勒為今之喀什噶爾史稱依耐
東至莎車北至疏勒揆厥方隅非英噶薩爾莫
屬矣班史於東北至都護治所句下例言四至
以北至疏勒南接于合之文證之其為東至莎
車西至無雷可儼而知也

托璞魯克

托璞魯克在英噶薩爾東南七十里西北距喀什噶爾城二百七十里

以上屬喀什噶爾

和什庫珠克

和什庫珠克舊對音為霍斯庫魯克在喀什噶爾城西五百里哈喇庫勒西北波羅泥都霍集占自葉爾羌西遁叅贊大臣毅勇公明瑞以九百人窮追及此賊衆三千擁踞山梁來拒我師明瑞身先

士卒奮勇馳突自午及申斬獲無算追奔百餘里賊勢益蹙

御製賜明瑞詩

并序
己卯

參贊大臣毅勇公明瑞以逆酋大小和卓木望風先遁率前鋒銳卒往遮而賊回間道通信逆酋遂兼程走明瑞追及之於霍斯庫魯克以遠馳之旅摧拒險之徒銜枚列隊者甫九百人鳴哨據梁者且六千指而能折負隅之勢揚卷穽之風轉戰三時辟易

百里擒生斬級輜重畢收而副將軍富德等亦以兩
城既定統師會勦逆豎計日可擒非其志秉忠誠曷以
功隆摧陷雖古名將孰克方茲爰賜是詩以彰其績
世胄更勲戚少年能老成從軍俾習事屢戰得英聲適
以狂狙遜因將勁旅征欲遮先信漏不捨竟踪橫地利
彼雖擅人和我實勦騎惟九百到賊乃數千迎少卒勝
其衆勇還濟以誠勗哉俘二豎衛霍遜功名

阿喇楚勒

阿喇楚勒舊對音為阿爾楚爾在和什庫珠克達
巴西三百里乾隆二十四年八月逆回波羅泥都
霍集占自和什庫珠克達已敗後西竄至阿喇楚
勒副將軍富德等率師窮追至此及賊後隊賊占
據兩峯頂設伏山腰別遣賊來迎以誘我師是時
富德將中軍貝勒銜霍集斯公鄂對領隊大臣端
濟布等佐之叅贊大臣明瑞領前隊領隊大臣鄂
博什等佐之叅贊大臣阿桂領中後隊領隊大臣

傅景等佐之領隊大臣瑚爾起等領奇兵巴圖魯
侍衛老格科帔薩等領援兵為左翼叅贊大臣阿
里衮領前隊領隊大臣衣柱等佐之叅贊大臣巴
祿領中後隊領隊大臣鄂穆布等佐之領隊大臣
由屯等領奇兵巴圖魯侍衛伍岱等領援兵為右
翼巴圖魯侍衛額爾登額等領後隊以脩四面援
應領隊大臣齊凌扎布為殿軍陣伍既嚴如牆而
進於是賊所占左右兩山為左右翼奇兵所奪據

山向下掩殺賊失勢散亂乃以後隊援兵右翼前
隊兵與中軍競進左右翼中後隊兵併力馳之奮
勇冲擊賊不能支遂各鼠竄我兵追殺二十餘里
獲甲器旗纛無算賊復聚衆保一山峯抵拒左右
翼兵直前截殺兩翼奇兵後隊援兵潛繞山後轉
戰合勦中軍復出疑兵誘之示以劫掠輜重狀
賊遂遑遽越山而竄於是以中軍率右翼兵馳
往截殺與左翼兵前後合攻賊益潰敗是役也勦

四千餘衆擒斬伯克數十人於是我兵乘勝追至

葉什勒庫勒詳見後

御製副將軍富德等追及兩和卓木大勝回軍捷音

至作歌紀事已卯

慶霄對月方開筵將軍捷報驛騎傳擘囊展書慰

閒額手慶慰衷心憐憐者我衆實奮力慰者呵護惟賴

天萬有餘里所致馬

軍營解馬自內地至肅州遠者已四
五千里其自肅州至察汗烏蘇又萬

餘里而山間繞道崎嶇屢
經戈壁均未得臥秣稍休又踰戈壁無水泉裹糧追賊

幸尾及彼逃乃在廿日前

逆酋兩和卓未警我軍威於大兵未至禁爾毛喀什

噶爾二十日之前已離巢遠竄

明瑞先已折其角未經大創猶抗顏先

參贊公明瑞襲賊於霍斯庫魯克爾轉戰三時擒斬賊衆甚夥乘勝追擊軍聲大振會日晚我兵馬力不及賊復以其殘衆竄去阿爾楚爾列賊衆避其輜重伏據山輕舉墮

術在所戒集思持重勝算先

時逆酋方設伏於兩山峯頂少遣賊人迎誘我兵欲

逞其狡計副將軍富德知之與參贊大臣等集議營陣攻取不恃勇輕進

偏伍彌縫密布置

發縱指使皆英賢

副將軍富德與霍集斯等統中軍命參贊明瑞阿桂等領左翼參贊阿里

察巴祿等領右翼翼之中各分前中後隊又並以奇兵援兵隊各為二別遣巴圖魯侍衛額爾登額等分率已

圖魯兵二隊陷四面應援而領隊齊凌扎
布為殿軍將卒如臂指相維布置實當
諸大臣均予

心膂已圖魯侍衛比肩夙所教養共休戚敵愾兼逮輿

臺馬

是役雖僕隸無不共奮義勇

同心戮力功克就二豎鼠竄圖苟

延戰罷檢閱傷一卒殲彼計級乃盈千師難到葉爾奇

木況過數千里行遙以少勝衆剪賊黨

明瑞既以前鋒九百擊敗賊衆

六千茲役也我兵馬步統計不過三千人勒逆回四千
餘衆擒斬者已過其四之一而助逆渠魁如阿市都克

勒木等大伯克數十人並臨
陣殲之逆苗黨悉殆盡云

國威赫濯揚天邊優叙未

足償勞績

捷奏至並有旨從優議叙猶念將軍參贊等殫忱奮勇殊勲非常例可酬立待元克就縛

時特加
曠典

桂觴欲泛還罷旃百年養士今獲效

祖宗福蔭貽萬年佇待俘虜到露布西師之役方稱全
西師之役方稱全行張凱宴勞凱旋

漢書西域傳無雷國王治盧城去長安九千九百
五十里東北至都護治所二千四百六十五里南
至蒲犁五百四十里南與烏秣北與捐毒西與
大月氏接

魏書西域傳鉢和國在渴槃陀西其土尤寒有

大雪山望若銀峯一道西行向噶噠一道西南趣
烏長亦為噶噠所統

唐書西域傳護密者元魏所謂鉢和橫一千六百
里縱狹纔四五里王居寒迦審城北臨烏澹河地
寒沍堆阜曲折沙石流漫顯慶時以地為烏飛州
地當四鎮入土火羅道故役屬吐蕃

按阿喇楚勒北通布魯特南接拔達克山西行則
踰蔥嶺以漢書無雷國南與烏秣北與捐毒西

與大月氏接之文證之則阿喇楚勒宜為無雷
國地也漢之無雷至北魏為鉢和於史無明文
第考魏書鉢和國在渴槃陀西今葉爾羌西塞
爾勒克喀爾楚一帶為渴槃陀國詳見卷十八而鉢
和國東與之接其地必當在蔥嶺之中更以唐
書護蜜即魏鉢和地當四鎮入吐火羅道之說
推之則四鎮在蔥嶺東吐火羅在蔥嶺西魏之
鉢和唐之護蜜當屬蔥嶺中往來當道之國今

阿喇楚勒在蔥嶺中偏北境上雖不必定為無雷鉢和護蜜諸國之都而要屬諸國之北鄙可

無疑矣

葉什勒庫勒

互見水

葉什勒庫勒舊對音為伊西洱庫爾地以水名在阿喇楚勒西南二百里葉什勒庫勒淖爾西南北高峯對峙北山有小徑通安集延其西限以大嶺踰嶺以南通拔達克山界波羅泥都霍集占自阿

喇楚勒敗後波羅泥都先以二百人奔據淖爾之
西嶺為逃竄地霍集占擁衆萬餘人踞北山並扼
守迤東諸峯副將軍富德率師追至先令叅贊阿
里袞等由淖爾南岸徑趨西嶺而自於東峯擊賊
賊憑高恃險我師仰攻連舉大礮厯時未克富德
選鳥鎗精銳者數十人從山北攀援而上擊峯頂
賊後遣霍集斯伯克等樹立回纥令新降回人大
聲傳諭招降俄而山上回衆數千人挈其子女駝

載牲畜號呼願降沸聲如雷漫山蔽嶺投奔而下
霍集占禁之不能止手刃數人奔者愈衆至日夕
乃已而阿里衮之趨南岸也南岸山石壁立騎不
能前則率兵徒步譟而登以火器遙擊北山諸賊
北山之麓瀕水路狹僅容單車隻騎賊輜重徒屬
多緣岸擁塞者復於隔岸徹夜遙擊使不得登翼
日並哀號乞降凡納降回衆萬二千餘人獲回纥
一回劍一牲畜以萬計他器物無數霍集占乘夜

繞山徑與波羅泥都奔拔達克山

御製捷報

并序
己卯

逆酋霍集占兄弟一創於霍斯庫魯克再創於阿爾
楚爾勢蹙窮竄將軍富德等急躡之於伊西洱庫
爾是拔達山連界地也時賊衆據峯負固我兵整陣
勦擊中發大神威遠礮兼簡偏銳用烏鎗夾攻賊中
有伯克等悉其大隊呼籲乞降霍集占自山頂遮截
至手刃之不得止而我兵四路設伏盡起有徒步援

絕壁進者轉戰一晝夜賊遂大潰計獲賊衆一萬二千有奇鎗械二千有奇牲畜一萬有奇逆酋僅以殘衆四五百人逸去富德等傳檄拔達山部長曉譬順逆令其克日縛獻至是捷聞朕以二酋一日不獲軍務一日不竣雖仰賴

鴻庥收城服衆而旁午擘畫何能釋懷爰誌長言佇期永靖詎得已哉

待圍小憩坐屣顏捷報飛馳達玉闕奏牘機宜悉覽

遍降蕃輜重盡遮還千軍直進伊西洱二豎旋逃拔
達山除蔓斯之未底定可辭畫策叶宵問

漢書西域傳難兜國王治去長安萬一百五十里
東北至都護治所二千八百五十里西至無雷三
百四十里西南至罽賓三百三十里南與婁羌北
與休循西與大月氏接

魏書西域傳波知國在鉢和西南土狹人貧依託
山谷其王不能總攝有三池傳云大池有龍王次

者有龍婦小者有龍子

按漢無雷國東北至都護治所二千四百六十
五里難兜國東北至都護治所二千八百五十
里是難兜為無雷西四百餘里國可知班傳稱
難兜西至無雷應屬東至之訛今阿喇楚勒為
漢無雷則葉什勒庫勒應為漢難兜也魏波知
國在鉢和國西亦與今葉什勒庫勒方位相合
今葉什勒有大淖爾廣數十里或即古三池之

舊與

以上屬喀什噶爾西境外地

欽定皇輿西域圖志卷十七

欽定四庫全書

欽定皇興西域圖志卷十八目錄

疆域十一

天山南路五

葉爾羌屬

葉爾羌

察特西林

巴爾楚克

呼拉瑪

伯什恰特

拜林

密什雅爾

塔噶爾齊

阿布普爾

汗阿里克

庫勒塔里木

鄂湍楚魯克

雅哈里克

坡斯恰木

舒帖

呼木什恰特

伯什阿里克

托古斯恰特

鄂爾多諾斯騰

阿喇勒

喀瑪喇克

哈喇古哲什

喇巴特齊

和什阿喇布

色勒克郭勒

伊奇蘇寧阿喇斯

裕勒阿里克

庫克雅爾

塔克布伊

英額齊盤

沙圖

哈爾噶里克

貝拉

楚魯克

皮什南

固瑞

木齊

章固雅

薩納珠

衮得里克

都窪

皮雅勒阿勒瑪

阿克阿里克

塞爾勒克

喀爾楚

欽定四庫全書

卷十八目錄

欽定皇輿西域圖志卷十八目錄

欽定四庫全書

欽定皇輿西域圖志卷十八

疆域十一

天山南路五

葉爾羌屬 東至察特西林接阿克蘇界西至喀爾
楚入蔥嶺通藩屬拔達克山界東南至皮雅勒阿
勒瑪接和闐界西北至喀什噶爾達里雅接喀什
噶爾界

葉爾羌

葉爾羌舊對音葉爾奇木或名葉爾欽皆音之轉也東南由阿克蘇八百里西道由喀什噶爾五百里至其地距京師一萬二千三百八十五里城周十餘里有六門土岡環其東南城踞岡上規模宏敞甲於回部城中街巷屈曲錯雜無有條理民居以土垣屏蔽穴垣為戶高者三尺偃僂出入屋宇毗連處咸有水坑導城南哈喇烏蘇之水達於城

北是資飯用遠近所屬村城甚多其最著者得二十有七康熙二十一年其地回首阿布都里什特為準噶爾所執至三十五年準噶爾為大兵所破阿布都里什特偕妻子來朝

賜冠服銀幣遣官護送至哈密俾歸國後為準噶爾所阻不獲內附乾隆二十三年八月霍集斯伯克以烏什降告於將軍兆惠曰霍集占自庫車遁而西非往喀什噶爾即葉爾羌矣若大兵進攻喀什噶爾

則布魯特安集延賊之仇也必不往將南奔葉爾
羌東南聯和闐以為援西南通拔達克山痕都斯
坦哈喇圖伯特以為窟進退有所據勢難拔不若
徑趨葉爾羌招徠和闐要截拔達克山諸路一舉
而克擒賊必矣喀什噶爾不足定也兆惠從其計
擁馬兵四千步兵六千保葉爾羌其兄波羅泥都
亦自喀什噶爾以馬兵三千步兵二千往會賊乘
我師未至盡驅城外村莊居民入城田禾盡刈不

及刈者焚之近城多為大坎城東北兼築高臺以
資守禦十月我師將抵葉爾羌兆惠等勒兵二千
分中軍左右翼兆惠率侍衛鄂實福齡安及閒散
侍衛等為中軍叅贊明瑞等率巴圖魯兵二百為
中軍前隊總兵高天喜領鎗礮隨中軍轟為後隊
左翼副都統鄂木布等領後隊副都統愛隆阿
等領後隊右翼副都統由屯等領前隊總管端濟
布等領後隊巴圖魯喀拉瑞綽爾圖厄魯散秩大

臣達什策凌率挑誘兵最先進各部回兵在中軍
兩翼間行部勒既定初六日陳於城東前限於坎
馬不能進於是左翼兵自東向西進攻右翼兵覓
路向東進挑誘兵直前衝突時臺上坎下空房破
屋中伏賊放鎗拒戰我師奪臺殺賊賊敗走我師
尾之注矢如雨賊紛紛墜馬有頃城東西兩門內
各四五百騎出陣而立逡巡不敢前俄出數十騎
來致師鄂木布明瑞等十人率勁旅賈勇入摧鋒

陷陣城內益出賊兵與我兵三戰賊皆辟易北門
又出賊騎三四百來夾攻為由屯截殺不得逞自
邠迄中賊乃敗入城閉門守是役也我軍甫集殲
賊甚衆將士用命凡新附之厄魯特回部伯克等
多怨霍集占之煽黨背德咸感激奮勇軍聲大振
我師得偵者言賊牲畜及沙拉斯家屬俱在城南
之英額齊盤山議移兵往掠分賊勢十三日兆惠
先遣愛隆阿等分兵八百扼喀什噶爾來援要道

乃徙營從城東轉攻城南師濟哈喇烏蘇甫四百
騎橋斷賊兵乘機發馬步繼進兆惠率明瑞等分
列三隊縱橫衝突所當者破殺賊千人再敗之已
復分左右翼來殊死戰我軍自庫車遠至馬力弗
能支更阻於淖引軍渡哈喇烏蘇達城東大營賊
衆四集合圍我軍接戰五晝夜士氣奮厲軍中贏
糧足資三月守於是掘濠築壘以待援師

互詳卷二十八

哈喇烏蘇條

二十四年正月會富德等統新調兵自阿

克蘇來援阿里衮適解馬千疋馳至遂振旅以還

阿克蘇

詳後呼拉瑪條

波羅泥都霍集占度大兵再至必

成擒乃虜其民人牲畜棄城踰山遁於是葉爾羌之舊伯克回民等以全城降先是都統伯納木扎爾副都統三泰奉

命往代兆惠富德為將軍叅贊至葉爾羌兆惠等方在圍愛隆阿據河駐後納木扎爾三泰過其營猝陷賊俱遇害

勅於葉爾羌南建雙義祠祀之

御製平定回部勒銘葉爾羌碑文

粵稽回始肇自天方又名默克一曰天堂大食見元回
鶻見唐是皆彷彿所傳弗詳惟我皇清撫有華夏血氣
之倫均歸陶冶準夷昔强冥頑弗上恃厥險遠實梗化
者騃獠其衆豺狼其羣以回為羊後以耕耘利其善賈
三倍市欣拘二酋長處伊犁濱四大回城輸租獻賦騰
格是供衛拉是懼繭絲奚堪溝壑已遽有面內心其何能

訴準夷既平羣回見天謂自今始飽食晏眠遣厥首歸
撫爾土田生死肉骨詎疑變遷詎疑變遷德竟怨報助
我叛疆戕我星軺叶是用興師聲罪致討叶乃敢抗顏
蜩螗謹譟既侮厥外宜安厥內而何狂狙心焉昏憤殺
人為戲奪妻為穢大失衆心無不怨背三道並發四甄
齊攻首知弗支自據一空廿日之前駝走無踪爾雖知
踪我追應窮滔滔洗洗連戰皆克旦夕苟延遂入異域
異域畏懷舉旗助力腐鼠莫逋遂來獻馘二首既殲諸

回水靖叶設官定賦去其苛政昔之諸回曉戰夜偵今
恬以嬉各保性命昔之諸回為準夷臣今語隣封曰天
王民曰天王民誰汝苦辛藝爾黍稷爾子孫在昔已
已爰平金川茲定回部亦已外年歲符理紀瑞疊祥駢
持盈保泰惟懋慎旃

御製我軍詩

戊寅

我軍取烏什酋長款復獻

阿奇木霍集斯伯克阿奇木
伯克者回語大頭目霍集斯

其名元戎乘良機率衆直前進其奈隆冬時枯草經蹂
也

躡以此馬不肥奚堪供斫陣況臨彼巢穴螳臂孤注奮
借一誘我軍萬騎逞軀趨我師纔千餘鼓勇無退寸橋

圯渡四百忠義人爭勸殺賊至千餘矢盡接短刃涉淖

退保營相持城下頓

十月六日我師直薄葉爾尼城賊
緣邊盡溝立隊自固我師以少擊

衆所向披靡三戰殲獲甚夥賊擁竄入城不出將軍兆
惠以賊游牧在城南英我奇盤山計乘虛繫賊輜重制
賊十三日取道城東渡河未及半而橋圯我師過河者
纔四百騎遇賊馬步萬餘張左右翼來戰而地皆沮洳
人馬不能如志且戰且踰河退保大營雖遇挫斂而人
知効命殺賊千餘我四百人中纔傷一百時營中餘二
月餘糧高壘深濠
壯士遴七人星馳兩致信

將軍遣索倫侍衛五

十保等兩次賈勇突出遇賊衆遮道者戮之賈奏達阿克蘇城時參贊大臣舒赫德駐守因令五十保馳驛迎趨援師且直抵京城面奏軍營情事俟師齊即率以赴援舒赫德留守諸回靜以鎮

羽檄催後師繼進期颺迅畢齊阿克蘇赴援雪深恨夷

考兵興來曾無遭挫轍此番客主殊不幸致事債兆惠

稱輕敵請罪誠不吝此非退縮比誰逆料利鈍終能寡

勝衆允由効忠蓋奚忍更加罪褒嘉章服晉諸臣諸軍

士行賞以功論

命兆惠由伯爵晉封武毅謀勇一等公加賜寶石帽頂四團龍補服餘大臣弁

兵等封賞優叙有差

晝夜促後軍直前金鼓振欲藉士敵愾

今夏特命

派索倫察哈爾使銳營及陝甘綠旗兵繼進已過關展
而將軍富德泰贊大臣舒赫德等聞此信各羽檄催進
其領軍大臣侍衛等無不切齒逆回寢皮食
肉人人同恨計十二月中可至葉爾羌 仰冀

天助順捷音共春來平回鴻績建

御製圖解八韻 已卯

圖解萬里遠懷紆午夜頻

客冬將軍兆惠等薄賊城堅壁固守三閱月趣調援師時

縈宵旰至是始得正月十四日官兵剿賊解嚴兩軍會合之信 將軍誠善守

天意本先仁少挫終能勝知難在審因勞哉惟衆士予曰

有良臣更議擣虛策相籌應變神

逆回大和卓木已遁回喀什噶爾危城勢

同孤注惟慮小和車木乘陳潛免營終詎脫蠖屈乃求

突豫籌於各路偵備以防鉅險
伸時軍中方議乘勝進取固念士卒久勞且兵饟在重
道正宜少休養銳勅於附近城中駐營以需糧進

賞斯寧各明征要必申舜干雖美事何以謝軍人
回首反噬

穩惡傷我官兵非脅從比恒怯無識之徒或議解圍
却賊可以罷兵匪直無以伸國威且何由深士怒耶

御製固濟爾巴圖魯瑞綽爾圖盡節詩
己卯

瑞綽爾圖者索倫侍衛員曾以血戰功因賜號旌賢
瑞綽

爾圖於乾隆二十一年冬隨大兵進剿阿
穆爾撒納與哈薩克力戰有功特賜是號
固濟爾何謂

敢勇能摧堅亦云其勇耳大節乃炳然兆惠定回城
喀什

噶驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策凌

及瑞緯爾圖莫寧察岱屯等率兵百人前行捉生口瑪穆特莫寧察廝養也

忽被賊回遮衆

敵寡實難矢盡守空屋奮突揮以拳莫寧察戰沒岱屯

命亦捐瑞緯爾圖在傷重飲劍艱猝被生縛去至霍集

占前卓立唾賊罵裂皆髮銜冠巴圖魯侍衛豈懼爾狂

狔天兵今少至數萬繼進連以千敵爾萬汝滅踵不旋

霍集占乃怒持刀向頸刺其達什策凌同時遭繫牽霍

集占忿詈爾尼魯特人^叶唇齒應相依何受中國官鐵
鉤鉤四肢其死最可憐皆是所親見飾語敢取愆徒以
無足數旦夕命苟延渠逃定回城乃復得見天兆惠聞
此語既悅繼涕漣悅以我有人涕以己所遣^叶據實歷
詳陳痛淚不忍看心與帥臣同思加寧惜駢^瑞前^瑞已有
旨勅部照陣亡例賜卹今悉其死^瑞事^瑞為齒睢陽張為舌
英烈狀復命察其子嗣優加恩卹

常山顏古有今豈無詩錄其人傳

御製雙義詩

^{有序}
^{已卯}

副將軍富德至葉爾羌既定回城痛去歲將士之沒
於王事暴骨沙場為之築墳表墓因以奏聞蓋隨將
軍兆惠力守者固已無恙而旁出捉生及在途值賊
者猝致捐軀實出逆料時則納木扎爾三泰適以奉
差而往遇賊而殉此雙義之詩所由作也夫雙忠戡
亂於無形雙烈表節於有北今之雙義亦復炳然此
皆我八旗世臣與國同休戚者在諸人含笑九泉已
知世錄之必被而朕捫心午夜奚啻手足之如傷用兵

既非得已盡節豈所樂聞且即此役而言非生擒二酋
何以雪我三軍之恨哉然既建大業寧免微疵即走
卒廝養頗切同仇則知我國家豢養旗人萬年鞏固
之基而非周秦漢唐一興兵而天下騷騷怨聲載道
者比此又朕所深慶幸者夫

雙忠昔集事雙烈能忘身

二事皆見前集

茲作雙義詩其故得

細陳曰納木扎爾曾贊北路軍奮勇剪逆賊封伯酬其

勲

納木扎爾先以都統恭贊北路軍務曾擒喀爾喀叛逆青衮雜卜論功加封伯爵

副都統三

秦英氣頗超人均御前侍衛素悉厥忠純兆惠富德輩

從戎久効勤欲代俾將母

將軍兆惠富德母俱年高此歲領軍討賊故特簡二臣往

代之二臣被選掄去歲黑水役事

前見

固守遣索倫致信愛

隆阿權退催後援可支百日間速進莫逡巡

將軍兆惠等猝被賊

遮時愛隆阿拒河駐後將軍兆惠自圍中達索倫二人間道傳語大兵未集可速回阿克蘇俟後軍一齊進援

將軍及叅贊輕進徒俱焚當待師並來何慮狂狙狺

時授

納木扎爾為靖逆將軍三泰為叅贊大臣之信兆惠已知之故亦令暫迴以俟後軍

爾時二臣者

馳驛往軍門過愛隆阿營却近黑水濱所遣人未

遇礮聲前忽聞知賊與我戰聞戰恥退奔徒攜百餘騎
赴義命同捐叶凶信驛遞來痛哭傷心魂使早知拒守
退俟熊羆羣同進可樹功何致均沉淪即先至一日
合兆惠軍屯亦可旋令歲奚煩以身殉叶不前復不後
此實若有神富德自和闐重至黑水津葉爾奇木降諸
事粗處分痛念我將士沙場化為燐黃頭雖不備掩骼
權為墳猿鶴昔屬幻邱隴今可循因以此事奏西望揮淚
頻豐碑旌墓門千秋西海垠捐軀固臣節在爾非所論

在予則何忍此恨終當俾夷考六人蹟事異心同均與國休戚共寧止曰蓋臣史筆多訛傳永言傳其真

御製副將軍富德奏報小和卓木霍集占亦望風先逃

葉爾羌回衆投誠擬平定回部凱歌十首

己卯

伊犁平定擬功成孰謂狂回乃背盟師直從來荷

天佑詎予本意好佳兵

偏師護衛入回城

逆酋大小和卓木為準噶爾拘禁日久我師既定伊犁乃出諸繫中遣兵

送大和卓木歸舊部時葉爾羌喀什噶爾城中伯克不
容大和卓木進城賴我師之力攻克其城大和卓木乃

能復統
其衆

反面樓蘭太寡情是用再勤將與卒亦惟誅彼

弟和兄

庫車去歲事逡巡不戰不追免脫身

初雅爾哈善方領重兵圍庫車城而

小和卓木旋入旋出竟付諸不問自以坐得空城即可報命老師縱賊至今實貽養癰之害

設使就

擒早偃武至今猶恨債贖人

阿蘇

即阿克蘇也克字從上阿急呼之原成二字

烏什遞投降降直進原期速

定

去冬將軍兆惠率師徑薄葉爾羌城雖以再定伊犁投降布魯特周行萬餘里道遠馬乏猝爾被遮

然其時適當諸回城望風獻款因乘勢直前連期綏靖非輕進也

萬里周行強弩末將

軍猶是氣如虹

二千餘人守三月逆回數萬不能攻援軍催進前師出

命副將軍富德等統兵往援轉戰五晝夜我師全軍振
壘而還以少當衆且固守淹時而整暇如故洵有神

助
實賴

鴻禧益惕衷

整軍三路進攻齊早慮同逃不暇齎

將軍兆惠富德議
兵分往定兩城朕

以二酋勢熾或棄其人畜輜重而遁屢命將軍
等熟籌詳計以偏師遮其要路周防潛竄
哈什哈

爾纔納款葉爾奇木又來僉

自古火州傳不雨經頭驚訝雨隨軍驛致佳音感

乾

土爾番闢展及葉爾羌喀什噶爾一帶素少雨澤今大兵所過甘肅應時回衆絡繹來降者無不詔為神

異降夷日日出千羣

可知化外有同心簞食壺漿獻致欽

將軍等奏降人爭持糗糧羊酒歡送

營門具見惻忱便爾先逃更何往前途遮獲定成擒

時兆惠富德方撫定

兩城之衆尅日進軍而叅贊公明瑞等一面往躡賊踪期必俘獲

窮回歸化即吾民安集勞徕命蓋臣

兩城回衆本為逆渠所脅非自甘抗

拒者今既不肯從亡且迎降恐後檢校漢唐西域傳可

能到此事傳真

安集延將拔達山

軍知傾知二酋先期通好拔達山伯克將欲往投又以賊黨願赴安集延

持議未決然于彼于此皆屬回地可以人組繫也

豈能自外八鴻間行看往遺

去聲來俘獻兵氣漸銷唱凱還

漢書西域傳從鄯善傍南山北波

後漢書作波注循河曰波河西

行至沙車為南道莎車國王治莎車城去長安九

千九百五十里東北至都護治所四千七百四十

六里西至疏勒五百六十里西南至蒲犂七百四

十里宣帝時烏孫公主小子萬年莎車王愛之莎
車王無子死死時萬年在漢莎車國人計欲自託
於漢又欲得烏孫心即上書請萬年為莎車王漢
許之遣使者奚充國送萬年萬年初立暴惡國人
不悅莎車王弟呼屠徵殺萬年并殺漢使者自立
約諸侯背漢會衛侯馮奉世送大宛客即以便宜
發諸國兵擊殺之更立他昆弟子為莎車王是歲
元康元年也

後漢書西域傳莎車國西經蒲犂無雷至大月氏
東去洛陽萬九百五十里匈奴因王莽之亂畧有
西域惟莎車王延最強不肯附强常勅諸子當世
奉漢家不可負也延死子康立建武五年立康為
漢莎車建功懷德王西域大都尉五十五國皆屬
焉康死弟賢立十四年賢與鄯善王安並遣使詣
闕貢獻於是西域始通蔥嶺以東諸國皆屬賢十
七年賜賢西域都護印綬更賜賢以漢大將軍印

殺賢由是始恨而猶詐稱大都護移書諸國諸國
悉服屬焉號賢為單于數攻諸國二十二年冬攻
殺龜茲王遂兼其國媯塞王自以國遠殺賢使者
賢擊滅之後于寘王廣德攻莎車執賢虜賢妻子
而并其國匈奴聞廣德滅莎車復遣兵將賢質子
不居徵立為沙車王廣德又攻殺之更立其弟齊
黎為莎車王章帝元和三年時長史班超發諸國
兵擊莎車大破之由是降漢莎車東北至疏勒班

超傳超發于寘諸國兵二萬五千人擊莎車而龜
茲王遣左將軍發溫宿姑墨尉頭舍五萬人救之
超召將校及于寘王議曰今兵少不敵計莫若各
散去于寘從是而東長史亦於此西歸可須夜鼓
聲而發陰緩所得生口龜茲王聞之大喜自以萬
騎於西界遮超溫宿王將八十騎於東界徼于寘
超知二虜已出密召諸部勒兵鷄鳴馳赴莎車營
胡大驚亂奔走追斬五千餘級莎車遂降自是威

震西域

魏書西域傳渠沙國居故沙車城在子合西北去
代一萬二千九百八十里

唐書西域傳疏勒東南五百里濟徒多水踰大沙
嶺有斫句迦種或曰沮渠地千里東踰嶺八百里
即于闐也

元史世祖本紀至元十一年正月立于闐葉爾羌

舊作

鴉兒看兩城水驛十三年正月詔安慰葉爾羌等

今改正

城

按莎車在漢為大國東接于闐北連疏勒今和
闐為于闐方位道里不爽采玉河流證據猶在
而喀什噶爾諸城為疏勒西境按諸史傳與南
有黃河西帶葱嶺之說合亦無可疑者今葉爾
羌在喀什噶爾東南和闐西北應為莎車故壤
而又饒地利擅形勢儼然西域一大都會是即
後漢時莎車王賢所恃以憑陵與國者以疏勒

莎車兩國全勢論之莎車在疏勒南范史稱莎車東北至疏勒而前書則云西至疏勒五百六十里者疏勒東西之境最廣各就邊界而言故不同也後漢班超頓兵疏勒發于闐諸國兵擊莎車超謂於此西歸者自今葉爾羌至喀什噶爾當西北行而通茲王於西界遮超應即今自葉爾羌城西赴英噶薩爾一路而前書稱自鄯善西行至莎車為南道則莎車自屬南道極西

附近蔥嶺之國今葉爾羌城西直接蔥嶺以是
知為莎車也降自北魏號渠莎國介於兩大漸
就微弱周隋以來不著於史當為于闐所并唐
書疏勒東南五百里有所句迦種一曰沮渠疑
即北魏渠莎之舊又按唐書地理志毗沙都督
府為四鎮之一註曰本于闐國是則莎車轉為
渠莎渠莎又轉為毗沙而莎車故墟久為于闐
所并故直以毗沙名四鎮也今和闐葉爾羌均

隸

天朝以古證今數典必從其朔則和闐為于闐葉爾
羌為莎車方位較然未宜假借也至元世祖於
鴉兒看城置水驛與于闐城並叙應即葉爾羌
對音之訛耳

察特西林

察特西林在葉爾羌東北境喀什噶爾達里雅流
經其南西南距葉爾羌城八百里

巴爾楚克

巴爾楚克在察特西林西南一百里喀叶噶爾達里雅流經其南西南距葉爾羌城七百五十里自葉爾羌東行七十里為愛吉特呼又東九十里為賴里特又東一百二十里為邁納特又東九十里為阿朗格爾又東六十里為阿克薩克瑪拉爾又東八十里為畢薩克又東七十里為賽爾古努斯又東七十里為哲克得里克托海又東一百里踰

喀什噶爾達里雅至此又東八十里為庫克轍爾
又東七十里為汗阿里克又東六十里為烏圖斯
克瑞又東五十里為伊拉都接阿克蘇界又自巴
爾楚克西行通喀什噶爾樹木叢茂小山如屏逆
首霍集占自庫車亡命道經其間有牲畜之民驅
脅以西餘遭戮殆盡逆首伏誅後始遷回民居此
按巴爾楚克在喀什噶爾達里雅北水經謂北
河自疏勒逕流南河之北東南流逕疏勒城下

南去莎車五百六十里此指今喀什噶爾達里
雅遜巴爾楚克之南而東注者言也北史稱疏
勒國南有黃河又云有大城十二小城數十今
巴爾楚克城正當喀什噶爾達里雅北岸當即
在小城數十之內蓋今喀什噶爾達里雅之
北東自巴爾楚克西至喀什噶爾皆古之疏勒
地當時城郭隨在而有亦事之常無足疑者

呼拉瑪

呼拉瑪舊對音為呼爾瑞在巴爾楚克西南百三十里踰喀什噶爾達里雅至其地乾隆二十三年十月將軍兆惠追逆首霍集占於葉爾羌城下懸師深入賊衆蝟集先是夏六月

皇上軫念從征軍士在行間久欲以更番休養調撥兵馬次第抵阿克蘇及是阿克蘇叅贊大臣舒赫德即統新調兵三千五百赴援馳至巴爾楚克副將軍富德以兵三百來會簡卒蒐乘汰存疲弱率銳

師遙行以新撥馬未至士多步行者二十四年正月六日次呼拉瑪霍集占擁賊五千餘騎迎戰我馬兵纔六百富德等令努三愛隆阿分領叅贊大臣福祿等各按部伍督放中軍火器步行之索倫察喀爾善射兵分列兩翼自己至申與賊鏖戰十餘次賊敗走提督亓斌率中軍鎗礮奮進奪取賊人負固處誤中賊礮遂遇害富德努三率左翼兵獲霍集占所居帳及鎗礮旗纛諸物舒赫德愛隆

阿以右翼兵擊敗餘賊追奔逐北十五里許翌日
黎明整兵進行砂磧中賊又率衆踞高阜逆我師
富德等督兵突擊竟日夜初八日賊輕我馬少四
面迎截官兵屹不動我師在砂磧地兩晝夜不得
水拾水塊以咽是夜陣而行將移駐有水處未十
里賊隨後挑戰我兵亦隨機擊殺至天曉及葉爾
羌謬斯騰渡口富德等整兵守渡賊不能奪轉戰
復一日夜是夜擇營中堪乘馬得五六十盡給壯

士選精銳步兵二百從之往襲賊營未至適叅贊大臣阿里袞遵

旨督解馬千匹星馳來會阿里袞與鄂博什分兵兩翼
謹呼馳突賊衆驚敗越日與富德等合軍威大振
而敗去之賊復在外吹螺招集餘黨於是努三鄂
博什等自右翼馳出乘勢襲擊阿里袞愛隆阿自
左翼夾攻富德以中軍合戰殺賊千餘及大伯克
數十獲器械馬匹無算波羅泥都脅間中鳥鎗傷

創甚賊舁之入城潛回喀什噶爾方是時師行千里地無水草猝然遇賊步騎勢殊五日四夜酣戰不息仰賴

聖謨神遠先事綢繆呼吸之間雲集響應我師既盛賊乃敗逃富德等遂鼓行而前抵葉爾羌與兆惠夾

攻破賊

御製我師詩

己卯

我師萬里外馬力實難繼況深入賊巢主客勢誠異

以此被所圍固守鼓衆氣豈忍罪輕進惟獎勤王事

上年

十月十三日之後將軍兆惠直薄葉爾羌城僅以四百餘人衝圍賊衆二萬餘又道遠馬乏猝有挫衄然深溝高壘悉力持守賊不敢犯其果銳沉毅有大過人者若輒以倖試為嘗議將徒快懦夫首鼠之論何以勵將集事是以屢詔褒勉而再三督援師速進以接濟亦不待趨諸軍刻日赴援

督責敵愾人同

勵

叅贊尚書舒赫德於阿克蘇城先簡駐城銳卒並督諸路兵先至者星馳

往營而將軍伯富德等所統滿洲索倫察哈爾及綠旗營兵取道雲集叅贊公阿里衮以次解馬濟師一時軍

聲士氣為之益振

屈指數上

聲

居諸兵應臨彼地爭勝在俯仰所

關信非細中夜不安寢亟盼佳音至忽傳驛致章秉燭

披衣視

叶

鏖戰五日夜斬將塞旗幟副將軍富德叅贊

及軍士

叶

同心成巨功殲賊數千騎

富德報至稱本年正月初六日統兵

行至呼爾瑞地方遇賊騎五千度衆

央擊轉戰五日四

夜會叅贊阿里袞督解馬匹亦至分翼斫陣賊衆創潰

戮賊千餘人餘悉負傷敗竄而逆酋大和卓木已近將

脇中鎗傷賊衆昇之入城且潛回喀什噶爾矣

已近將

已近將

已近將

行

至

呼

爾

瑞

地

方

遇

賊

騎

五

千

度

衆

央

擊

轉

戰

五

日

四

夜

會

叅

贊

阿

里

袞

督

解

馬

匹

亦

至

分

翼

斫

陣

賊

衆

創

潰

戮

賊

千

餘

人

餘

悉

負

傷

敗

竄

而

逆

酋

大

和

卓

木

已

近

將

脇

中

鎗

傷

賊

衆

昇

之

入

城

且

潛

回

喀

什

噶

爾

矣

已

近

將

營

通

信

卒

遣

四

時

將

軍

兆

惠

營

中

聞

鎗

礮

聲

和

援

兵

且

陣

戮

千

餘

人

生

擒

五

十

餘

人

獲

器

械

無

算

並

遣

索

頑

回

百

計

攻

官

軍

一

意

備

以

此

歷

三

月

無

恙

皆

寧

謚

叶

先

是

舒

赫

德

得

兆

惠

檄

取

援

兵

劄

云

營

中

有

餘

糧

可

支

二

三

月

為

堅

壁

計

自

後

回

首

或

用

雲

梯

或

用

決

水

皆

為

我

兵

先覺應手破之而營中繕備益嚴故固守雖踰時而人皆有固志至是馳報自將軍下逮介士並整暇如故云相商夾擊策一舉期功遂四月寤寐紫今朝始慶慰殷心念衆勞額手感

天賜佇持捷音馳國朝威遠被

御製墨爾根巴圖魯瑪瑞斫陣歌

己卯

乙亥以來有事戎賴我衆力成膚功重賞之下多勇士捨身圖報羣輸忠舒布圖鎧實巨擘三巴圖魯繼厥踪見丙子後乃不可屈指數就中瑪瑞尤稱雄經卅餘戰集中

皆首出寨旗斬將誰爭鋒鐵騎憑陵諸鄂拓

準夷部落名部肅

清伊犁揚英風今春我軍急進援富德率師如羆熊瑪

瑞命領塗路首

蒙古語先鋒探信者

呼爾瑞處賊迎攻堂堂之陣

賊辟易瑞乃獨進躡寇窮金鞭連策大宛馬繡襜不用

用雕弓一箭正中賊要害再箭倉卒乃落空三箭終殪

賊墜馬忽忘深入賊隊中蜂屯蟻雜齊擁簇瑞之馬斃

倒沙蓬捨馬步戰短兵接叱咤凌厲氣如虹我軍隨進

瑞乃出檢傷十處中

去聲

其躬以帛裹傷明復戰義膽自

有神幘幘花門降胡咋舌歎如此超勇聞何從將軍一
一據實奏不奇其勇憐其忠設非立志忠且壯安能効
命功名崇馳驛令歸不可再嫖姚賜第今堪同席前備
陳隕涕聽厚賚覺未酬勲庸仍歸禁旅領宿衛
命為護軍統領
若無曩勲撫謙沖古來歸奏未央殿却聞天子不召見
御製惜陣亡提督豆斌詩 庚辰

去歲正月初九日副將軍富德自阿克蘇率諸師兼
程進援將軍兆惠遇賊要戰于呼爾瑪時豆斌領綠

旗兵列鎗礮對敵不期中賊銃捐軀詩以惜之

老將行間名久標

雍正元年間西陲用兵豆斌即以裨將特著功伐後屢膺節鎮勇畧夙優

援師深入從

去聲

姚鋪敦縱已占三捷矍鑠不期喪一

朝杜牧悲曾譏點筆孟明壯詎肯迴撓最憐來歎臨終

際強起猶虞衆志搖

豆斌中創時猶力疾拊循諸將士奮勇殺賊

伯什恰特

伯什恰特在葉爾羌城東五十里

拜林

拜林在伯什恰特東北五十里西距葉爾羌城一百里

密什雅爾

密什雅爾在葉爾羌北十五里

塔噶爾齊

塔噶爾齊在密什雅爾東十八里南距葉爾羌城

二十里

阿布普爾

阿布普爾在塔噶爾齊東二十里西南距葉爾羌

城三十里

汗阿里克

汗阿里克在密什雅爾北踰河至其地南距葉爾羌城四十里

庫勒塔里木

庫勒塔里木在汗阿里克東北二百六十里南距

葉爾羌城三百里

鄂湍楚魯克

鄂端楚魯克舊對音通古思魯克在葉爾羌城南
四十里踰哈喇烏蘇至其地

雅哈阿里克

雅哈阿里克在葉爾羌謬斯騰北岸五里北距葉
爾羌城四十里

波斯恰木

波斯恰木在雅哈阿里克南三十里踰河至其地
北距葉爾羌城七十里

舒帖

舒帖在鄂湍楚魯克南一百六十里踰河至其地

北距葉爾羌城二百里

呼木什哈特

呼木什哈特南距葉爾羌支河五里北距葉爾羌

城二百里

伯什阿里克

伯什阿里克在呼木什哈特東南一百里踰葉爾

羌支河至其地北距葉爾羌城三百里

托古斯恰特

托古斯恰特在伯什阿里克東一百里北距葉爾羌城三百五十里

鄂爾多諾斯騰

鄂爾多諾斯騰地以水名在葉爾羌城西二十里

阿喇勒

阿喇勒在鄂爾多諾斯騰西南二十里東距葉爾

羌城二十里

喀瑪喇克

喀瑪喇克在阿喇勒西南二十里踰哈喇烏蘇至
其地東距葉爾羌城二十里

哈喇古哲什

哈喇古哲什有小城當哈喇烏蘇雙流交會之地
東距葉爾羌城二百里

喇巴特齊

喇巴特齊在喀瑪喇克西五十里東距葉爾羌城
七十里

和什阿喇布

和什阿喇布在哈喇古哲什城西南二十里有小
城東距葉爾羌城二百里

色勒克郭勒

色勒克郭勒地以水名在和什阿喇布西五百里
東距葉爾羌城七百里

伊奇蘇寧阿喇斯

伊奇蘇寧阿喇斯有小城在和什阿喇布城東南
一百里東北距葉爾羌城一百里

裕勒阿里克

裕勒阿里克在波斯恰木南七十里有小城東北
距葉爾羌城三百里由是西南為漢西夜國地

漢書西域傳西夜國王號子合王治呼捷谷去長

安萬二百五十里東北到都護治所五千四十六

里東與皮山西南與烏托北與莎車西與蒲犂接
西夜與胡異種類羌氏行國

後漢書西域傳西夜國一名漂沙漠書中誤云西
夜子合是一國今各自有王

魏書西域傳悉居半國故西夜國也一名子合其
王號子治呼健在于闐西去代萬二千九百七十
里太延初遣使來獻自後貢使不絕

唐書西域傳朱俱波一名朱俱槃漢子合國地直

于闐西千里葱嶺北三百里西距喝盤陀北九百里屬疏勒南三十里女國也

按漢西夜國北與莎車接莎車即今葉爾羌則西夜故國當在葉爾羌南境裕勒阿里克西南也所治以國名應附葱嶺而居者至北魏時為悉居半唐為朱俱波也惟魏書於悉居半外別有朱居國亦在于闐之西而山居疑此兩國至唐而并又兼有蒲犁伊耐德若諸國之地疆域

殊廣非復漢時西夜附庸大國者比矣

庫克雅爾

庫克雅爾在裕勒阿里克城西五里東北距葉爾羌城三百里

按後漢時西夜子合各自為王裕勒阿里克為西夜國則庫克雅爾當為後漢子合國也在唐亦屬朱俱波地

塔克布伊

塔克布伊在庫克雅爾西北二百里有小城東北距葉爾羌城三百里

魏書西域傳朱居國在于闐西其人山居

按魏朱居國亦屬唐朱俱波國地魏書稱其人山居今塔克布伊傍山為城且與裕勒阿里克庫克雅爾相連應屬朱居國舊地

英額齊盤

英額齊盤舊對音為英莪奇盤在塔克布伊西南

一百里依山為左東北距葉爾羌城四百里

沙圖

沙圖在呼木什恰特東南二十五里踰葉爾羌支
河至其地西距葉爾羌城二百二十里

哈爾噶里克

哈爾噶里克在伯什阿里克東南踰提斯袞諾斯
騰又東南十里至其地北距葉爾羌城二百二十
里

貝拉

貝拉在哈爾噶里克東南六十里踰庫森譯斯騰至其地北距葉爾羌城二百二十里哈爾噶里克以東地皆砂磧至貝拉始有水草

楚魯克

楚魯克在哈爾噶里克東南七十里西北距葉爾羌城二百九十里

皮什南

皮什南在楚魯克東三十里有河出南山下北流
百餘里饒水草西北距葉爾羌城三百十里

按漢書皮山國西北通莎車三百八十里莎車
為今葉爾羌皮什南當葉爾羌東南三百十里
是其地已入皮山國界而所謂皮山城者尚在
其東也

固瑞

固瑞在皮什南之東七十里踰河至其地西距葉

爾羌城三百八十里

木濟

木濟在固瑞東南八十里東距葉什勒庫勒五里

西距葉爾羌城四百六十里

章固雅

章固雅在固瑞南四十里東傍葉什勒庫勒當孔

道南西距葉爾羌城三百九十里

薩納珠

薩納珠在章固雅南二十里西距葉爾羌城四百里有城垣由此西南行可達根都斯坦城西北面臨葉什勒庫勒

唐書地理志于闐西三百九十里有吉良鎮

唐西域記瞿薩旦那國王城西行三百餘里至勃伽夷城

按今和闐額里齊城即唐時于闐國都唐書西域傳稱于闐即瞿薩旦那國今自和闐額里齊

城西行至薩納珠三百九十里疑屬當時吉良鎮地即西域記所稱勃逆夷城亦於是在也又按唐書地理志由于闐蒂關西經勃野西北渡繫館河六百二十里至郅支瑞城一曰磧南州又西北經苦井黃渠三百二十里至雙渠故羯飯館又西北經半城百六十里至演渡州又北八十里至疏勒鎮以今道里計之勃野地無可考要在哈喇哈什以西無疑自和闐西行玉隴

哈拉兩郭勒外以葉什勒為大應即所謂繫館
河也由葦關西六百餘里為邳支滿城應即今
葉爾羌城由此西北入疏勒鎮即今由葉爾羌
西北入喀什噶爾之路

袞得里克

袞得里克在木濟東南四十里踰葉什勒庫勒至
其地西距葉爾羌城四百八十里

都窪

都窪在袞得里克東南六十里有城垣西距葉爾羌城五百里

漢書西域傳皮山國王治皮山城去長安萬五十里東北至都護治所四千二百九十二里西南至烏秣國千三百四十里南與天篤接北至姑墨千四百五十里西南當罽賓烏弋山離道西北通莎車三百八十里

魏書西域傳蒲山國故皮山谷也居皮城其國西

南三里有凍凌山後役屬于闐

唐書西域傳于闐并有漢皮山國故地地理志于闐西南三百八十里有皮山城

按漢書載于闐國西通皮山三百八十里與唐書地理志于闐西南至皮山城里數相合今自和闐額里齊城西南至都窪亦三百五十餘里莎車今葉爾羌東南行至都窪亦三百餘里是皮山故城當與此相近也又與都窪城毗連者左

有皮雅勒阿勒瑪右有皮什南皆與皮山字音相近疑當時悉屬皮山國地至其東西邊界不可考矣

皮雅勒阿勒瑪

皮雅勒阿勒瑪在木濟東南二百里踰葉什勒庫勒至其地西距葉爾羌城六百六十里東境有黃水溝

唐書西域傳于闐或曰瞿薩旦那西有沙磧鼠大

如蝟色類金出入羣鼠為從

唐西域記瞿薩旦那國王城西百五六十里大沙磧正路中有堆阜並鼠壤墳也此沙磧中鼠大如蝟其毛則金銀異色

按今自額里齊西行至皮雅勒阿勒瑪東境若以今哈喇哈什為王城由此西行百五十里應在皮雅勒阿勒瑪西境也

阿克阿克

阿克阿里克在木濟東北二百里西南距葉爾羌城六百餘里東傍葉什勒庫勒不當孔道自阿克阿里克踰葉什勒庫勒自皮雅勒阿勒瑪踰黃水溝東境俱交河闕界

以上屬葉爾羌又西為葉爾羌境外地

塞爾勒克

塞爾勒克在蔥嶺中由齊齊克里克達巴西南行八十里至其地有小城葉爾羌謬斯騰北源經流

其左

喀爾楚

喀爾楚在蔥嶺中由塞爾勒克西南行一百五十里至其地有小城葉爾羌謬斯騰南源經流其陽東距葉爾羌城五百餘里東北至喀什噶爾亦如之自塞爾勒克以西在葉爾羌西境外于漢當為蒲犂國地

漢書西域傳

蒲犂國王治蒲犂谷去長安九千五

百五十里東北至都護治所五千三百九十六里
東至莎車五百四十里北至疏勒五百五十里南
與西夜子合接西至無雷五百四十里寄田莎車
種俗與子合同

後漢書西域傳德若國東去長史居三千五百三
十里去洛陽一萬二千一百五十里與子合相
接

魏畧西戎傳中道西行滿犁國億若國皆拜屬疏

勒

魏書西域傳渴槃陀國在蔥嶺東朱駒波

魏書又作朱居

西河經其國東北流有高山夏積霜雪附於噉

唐書西域傳噉盤陀或曰漢陀曰噉館檀亦謂渴

羅陀由疏勒西南入劍末谷不忍嶺六百里其國

也距瓜州四千五百里直朱俱波西南距懸度山

北抵疏勒西護密西北判汗國也治蔥嶺中都城

負徙多河其王本疏勒人世相承為之西南即頭

痛山也

按漢蒲犂國東至莎車北至疏勒之文與今自喀什噶爾葉爾羌西南至塞爾勒克喀爾楚道里相合則塞爾勒克喀爾楚一帶當為蒲犂故壤也後漢無蒲犂而有德若且云東與子合接今塞爾勒克與裕勒阿里克庫克雅爾相接知德若即蒲犂地矣魏畧滿犂億若二國並載而滿之與蒲億之與德應屬傳寫之訛北魏渴槃

陀在朱駒波西以今裕勒阿里克為悉居半國

推之則此宜屬元魏渴槃陀地唐書所謂由疏

勒西南入劍末谷六百里即其國者也

唐書西域傳又

稱朱俱波并有漢之蒲犂西距喝槃陀疑元魏渴槃陀國之東鄙至唐為朱俱波之西鄙是漢之蒲犂於魏屬渴槃陀者於唐又屬朱俱波也由此西北行通哈喇庫

勒阿喇楚勒葉什勒庫勒淖爾西南行通拔達

克山咸在蔥嶺環帶之間

詳見卷十七及四十六

又按蔥嶺周圍千有餘里山環水帶境幽勢阻

宅國非一在漢則東為蒲犁西為無雷難兜無雷北為涓毒其大較也傳於西夜國曰西與蒲犁接於蒲犁則曰南與西夜子合接互文觀之西夜當在蒲犁東南也於無雷國曰南至蒲犁於蒲犁則曰西至無雷互文觀之無雷當在蒲犁西北也無雷北與涓毒接涓毒西上蔥嶺為休循則難兜北與休循接可知難兜在無雷之西故東北去都護治所較遠而傳有西至無雷

之文當屬東字傳寫之訛也惟是婁羌最近陽
關去長安僅六千三百里戶四百五十小國耳
而傳於去長安萬有餘里之難兜復曰南與婁
羌接殊不可解後漢德若國傳云自于寘經皮
山至西夜子合德若焉是德若固居西夜子合
西者宜附近蔥嶺魏書有朱居人作朱渴槃陀
諸國而蒲犂無雷難兜不著於錄其即朱居等
國之地無疑唐書朱俱波國疑即魏書朱居國


於傳稱其即漢子合并有西夜蒲犂依耐德若
諸國則闢地最廣應兼有元魏時渴槃陀之地
參互考之是唐之朱俱波於漢兼有西夜子合
蒲犂依耐德若五國地於魏兼有悉居半朱居
渴槃陀三國地而唐之喝槃陀始則兼有漢時
無雷難兜蒲犂之地後蒲犂故地為朱俱波所
并止兼有漢時無雷難兜之地於魏為渴槃陀
西境及鉢和波知賒彌諸國在朱駒波西者也

魏書渴槃陀尚在蔥嶺東故必兼鉢和波知惟
賂彌諸國方足盡漢時蒲犂無雷難兜之地

是諸部犬牙相錯其邊界頗難追考即分併之
由史傳亦有未詳要此數國在今葉爾羌喀什
噶爾以西蔥嶺環帶之內無可疑者又按魏書
載有伽倍折薛莫孫鉗敦弗敵沙閭浮謁五國
為大夏五翎侯地伽倍國在莎車之西去代一
萬三千里而史於渠莎國則云故莎車城去代
一萬二千九百八十里以伽倍國較之僅遠二

十里自是西行至閭浮謁國去代一萬三千七
百六十里亦止在莎車西七百里外今自葉爾
羌西行七百里尚在蔥嶺環帶之中而史稱五
國皆居山谷則於蔥嶺中立國亦無可疑特其
與悉居半朱居諸國辨方分界之處無可考耳
又載有者至拔國在疏勒西去代一萬一千六
百二十里迷密國在者至拔西去代一萬二千
六百里地與疏勒為近亦當附近蔥嶺至大月

氏於元魏時別自為國去代一萬四千五百里
自當在蔥嶺之外矣



欽定皇輿西域圖志卷十八